

清季外交史料序言

蔣序

俾士緣有言世界焉有公理黑鐵耳赤血耳夫不論公理而純以鐵血用事則甲國與乙國戰甲國勝甲國之強權即公理乙國與丙國戰乙國勝乙國之強權即公理以干戈始以玉帛終美其名曰折衝樽俎而不知樽俎之間皆兵刃也語云弱國無外交誠有慨乎其言之哉夫中國一閉關國自清季道光鴉片之戰受挫於英而五口通商之條約於以成立此雖爲示弱見端然猶未大傷國體耳洎甲午戰後日人逞無饜之求得寸思尺而當日堂堂之全權代表備遭凌辱城下受盟遂訂有馬關條約是甲午一役爲惟一締結不平等條約之禍胎也循是

清季外交史料

蔣序

一

以往與俄有秘密條約德有膠澳條約英有威海衛條約法有廣州灣條約壓迫之甚民不勝憤始有義和團之反抗卒之八國聯軍神京破碎清之亡忽焉我中國四萬萬人民受此羈縛失其自由誰實厲階至今爲梗不能太息於當日謀國者之不臧也黃巖王毅夫太常在樞垣時憫國步之阨危憤列強之侵削曾將光緒元年至三十年所締結之不平等條約及一切重要文電手自甄錄珍同鴻寶中歷戊戌庚子兩大變穴地深藏幸保無恙可謂有心人矣今太常已逝其嗣君希隱就所遺稿悉爲整理並搜羅光緒三十一年至宣統三年之史料廣續編成名曰清季外交史料以序來請夫廢除不平等條約先總理於彌留之際曾諄諄舉以詔吾黨者吾黨無一日而忽諸懷誰

知締結此不平等條約時孰能不忘國恥手成秘稿留爲我民族沉痛之歷史者竟大有人在耶荀子曰前事之不忘後事之師也則是書也其可忽乎哉

中華民國二十年九月蔣中正序

清季外交史料

蔣序

二

徐序

書契之作而有史官遺矣不可考孔子因魯史作春秋紀列邦聘問盟會者特詳蓋得失所由明而興替見焉寰海榛通繫敦交錯有類於春秋之世顧自互市以來當軸率昧於外情脅於強力控馭失策挫敗迭見國之積弱者由此其間懲惡顧危稍圖興革舉所謂新政者亦胥出於潮流之所衝激故史晚清朝事者外交其筦樞矣夫史也者存一代得失興替之迹而非以耀文爲也記繁而志寡雖遯固猶有議之者今清史雖成而未行於世其體裁猶沿列代之舊則外交者亦散見於諸志而已其不足以言賡備也無疑若私家紀述類多忌諱秘籍莫覩傳聞易訛亦奚取焉道咸同三朝籌辦夷務皆有記分期述事較有本末

清季外交史料

徐序

一

惜降及光宣調爲不續謂宜勒爲專書以信今而傳後曩嘗有志焉而未逮竊以爲媿聞黃嚴王毅夫太常有外交史料之輯實獲我心比哲嗣希隱錄示其目且屬爲之序其書斷自光緒凡條約交涉備著於篇而政務軍防交通教育實業之有涉者附焉其屬於宣統初年者則希隱蒐采而增補之大都採自文告直筆無隱太常直樞垣久見聞博而致力勤故能翔實如是其時官京朝者類多帖括之儒簿牘之吏瀛海以外置諸不論而獨有是人焉疚心國難手拾聚殘使後之謀國者一覽而知其得失興衰之槩且有所借鑑焉豈非春秋之志哉昔姚祭仕陳爲梁陳二史未就其子思廉綴成之若希隱者其無忝於名父矣余故樂爲之序中華民國二十有一年壬申初秋天津徐世昌

蔡序

歐美國家外交文件除必須守秘密者外多由政府隨時刊行而外部檔案慎重保存亦對學者開放以資研究此不但有助於國民外交常識之普及抑且供給歷史家以多量正確之史料我國通商以來對外交涉日益紛繁然前清外交文件從未聞有系統之刊行且自辛亥革命前之軍機處總署及外務部各檔案大率散佚不全即對於此不完全之材料學者亦不獲實地檢閱整理之機會因之編國史者涉及對外關係常至於不得不依賴外籍轉譯述輒多失實黃巖王弢夫太常在前清供職樞垣時對於中外交涉文件昕夕纂輯舉凡清代光緒期間朝廷詔令疆吏廷臣等奏摺以及機密廷寄往復文電悉以列

清季外交史料

蔡序

一

入其哲嗣希隱先生因此項文獻於今日外交關係甚鉅爰悉心彙校並搜集重要文件陸續補入編成清季外交史料及西巡大事記復輯史料索引外交年鑑等書誠空前之外交鉅帙也竊思清同治以前新政尙渺迨光宣兩朝受世界潮流之影響諸事改革交涉繁賾倫無真實紀載不足垂示來茲然道咸同三朝之籌辦夷務始末係由政府三次派員編纂今王公以父子之力得告厥成其堅苦卓絕誠有難能元培親炙太常者有年猶知是篇內容之豐富及著者實地搜集之勤劬深喜其必能供給歷史家以外交上貴重資料而補國內學界之闕憾吾人手此一編藉知不平等條約成立程序共籌挽拯計畫維國權而紓國難亦今日之要舉也爰爲之序民國二十年九月紹興蔡元培

顧序

中國近百年來外交局勢波譎雲詭機織互用實吾國往史所未親欲持嚆昔之論以駁方新之變事等刻舟人皆知其不可雖然外交之方式萬有不齊而主旨之操之在我者固不能以大異追惟往事始也狃於自大之見以召既變繼也怵於積威之脅而甘屈辱又或鑒於兩途之皆非而別思以空言取勝平時則取忌鄰邦有事則旁皇歧路蓋吾國自有外交以來不能外此三者更迭迭用卒鮮有合焉乎稀矣夫外交之爲用在保全領土維護國權而其後盾則在國家之實力與人民之公意至於膺外交之責者則貴能審度其所恃之後盾而善爲運用其上焉者無往不利不全恃外交之功固無論矣若遇盤桓之會處判

清季外交史料

顧序

一

棘之交尤當權衡輕重勉圖功或雖損其細而卒全其大或損於一時而卒全於異日往時國人未嘗不兢兢於保權之旨而卒之步步傾軋無可挽救誠不能不追咎夫運用之失宜也歲月易淪艱難益亟而王君希隱所編印其先德手纂之清季外交史料適以今歲告成以余從事外交忝有一日之長請予數言用弁其首余惟往事固不堪重論然一二老成謀國之忠終有不可磨滅者曾文正辦理天津教案不惑於道聽塗說之言而堅持以誠信折法人之氣隙竟置一時謗議於不顧厥後惠敏折衝伊犁交涉棘手倍踴尋常而剛柔迎拒之間分寸不失卒能如余向所謂損其細而全其大斯皆先正典型所不可及者今茲事勢視曾氏父子時更不可同日語矣瞻望靡勝憂心如忭所望國

人一德同心瞻前鑒後思所以慎操在我之主旨而善求運用之宜語曰失之東隅收之桑榆又曰前事不忘後事之師斯則王君孜孜編摩之勤庶幾爲不負也已

中華民國二十有一年八月顧維鈞謹序

清季外交史料

顧序

二

胡序

最近四十年中，中國史料出現之多，爲向來所未有。其中至少有八大項最可紀：第一是周口店的「北京猿人」的發現，第二是古石器時代文化的發現，第三是，新石器時代文化的發現，第四是安陽的殷虛器物文字的發現，第五是西域的漢晉木簡的發現，第六是敦煌石室藏的六朝唐五代寫本的發現，第七是日本舊藏中國古籍的公開，第八是北京宮廷各處檔案的公開。史前文化的發現，使我們對於太古時代得着一個完全新鮮的了解。殷虛器物文字的研究，使我們對於殷商一代的舊史得着一個新的證實和許多新的修正。流沙古簡書與熹皇寫本的出現，和日本舊藏古書的公開，都使我們添了許

清季外交史料

胡序

一

多考訂中古近古史的材料。關於近代史料，自然要算近十多年中北京宮廷衙署的各種檔案舊卷爲最重要。北京故宮開放之前，即有內閣舊卷檔案的賣出，其大部分現歸北京大學研究院。故宮完全開放之後，許多秘密文件與重要檔案陸續出現，其重要雖遠不能比羅馬法王宮廷藏書的公開，但在史料毀棄散失的中國，這也是史學界一個大寶藏了。

在這八件大發現之外，最近還有黃巖王氏父子保存搜集的清季外交史料的出版，可算是近年史學界搜求材料運動中的第九件大事。

王戡夫先生是個有心保存史料的學者，當他在軍機處服務的

時候，他就留心搜集外交的文獻。凡軍機處所存的外交檔卷，政府所存的交涉密電文稿，以及當日留中不發的電報文件奏章，他都細心搜集，親手鈔存。他在軍機處的日子雖然不算很長久，但這一點搜求外交史料的興趣，使他終身繼續留意於這一類的文獻。近年外交史料漸漸引起學者的注意，所以三十年前戡夫先生所鈔存的材料，在當日爲秘本，在今日已有一部分流傳於世了。但據近世外交史專家蔣廷黻先生的估計，戡夫先生所收材料，至少還有百分之五六十是不曾發表過的。這個估計，最可以表示這些史料的真價值。

光緒庚子七月，戡夫先生跟着滯滯與太后西行，直到次年十一月才隨兩宮回北京。這一年半之中，他著有西巡大事記十二卷，每日

清季外交史料

胡序

二

詳記政府與議和全權大臣及各省大吏往來的文電。我們看他這十二卷的編製方法，可以看出他的主要興趣全在材料的保存。在那國家危亡之際，流離困頓之中，他還有那樣的細心苦功，爲後世史家掇拾那些很容易散失的文獻，這種精神，這種遠見，都是最可以使我們追思敬禮的。

戡夫先生逝世已三十年了。他的兒子希隱先生不但能保守遺書，不使散失，還能費了十年的工夫，搜集先人所不曾見和不及見的外交文獻，補入戡夫先生的原稿，編成光宣兩朝外交史料二百四十餘卷，與西巡大事記同時刊行，並且編製史料索引，外交年鑑等，以便學者的檢查。戡夫先生二十年的勤苦搜錄，固然最可欽佩，可是若沒

有希隱先生的謹慎保存和殷勤補綴，這部大書即使不至於埋沒散失，也決沒有現在這樣完全。兩朝的史料成於父子兩世之手，徐菊人先生把他們比配姚察姚思廉之續成梁陳二史，是很確當的。

我不是研究外交史的人，不過王希隱先生因為我平日頗注意一切史料的保存，所以他要我寫一篇短序。我看了他這幾年搜求補綴的工力，看了他編訂先人遺著的熱心，看了他這種「愛的工作」，我真感覺到百分的崇敬與慚愧。我祖父父鐵花先生（名燾）也是一個有憂國遠慮的人，他終身研究邊疆問題，足跡走遍東三省及海南臺灣兩島，留下了幾十萬字的日記和文稿，其中也有不少的重要材料。先兄紹之和我都曾有志願整理這些遺稿，於今先父去世已近

清季外交史料

胡序

三

四十年，先兄去世也有五年了，這些遺稿，至今還不曾整理印行。希隱先生繼成先志的好榜樣，給了我不少的興奮與鞭策，所以我不敢辭謝他的好意，大膽寫了這篇短序。

中華民國二十三年一月六日夜。

胡適。

蔣序

清季外交史料這部書，論體裁，完全與籌辦夷務始末相同，而於編輯方法上略有修改；論時代，是道咸同三朝夷務始末的續編，因為這書的文件是同治以後清末三十餘年的外交史料；論卷帙，等於三朝的夷務始末。這書出世後，清朝的外交，從鴉片戰爭直到滿清末年，幾全成為公開的事實，學者如要知道這段外交史——中國近代史的最要方面——在資料上不應再感缺乏了。

夷務始末的出版是中國外交史的學術革命。以前研究中國外交史者雖不乏人，但是他們的著作，不分中外，幾全以外國發表的文件為根據，專憑片面的證據來撰外交史，好像專聽一面的辯詞來判

清季外交史料

蔣序

訟，那是不能得其平的。不過以往中國方面的文件，不但出版者少，且極零星；就是學者要參考中國的材料亦感困難。有了籌辦夷務始末及清季外交史料二書，以前的著作均須大加修改，並且這二書已引起全世界的學者注意，此後他們將逐漸知道中國材料的重要。

清季外交史料與籌辦夷務始末有一個大不同。前者是官書，是以政府的人力財力編成的；後者是私人的編纂，是黃巖王戩夫先生及王希隱先生父子二人數十年繼續努力而成的。戩夫先生的原稿，蒙希隱先生的好意，我曾借閱過月餘，看其式樣，似乎戩夫先生在軍機章京任內，將所有與外交（當時所謂洋務）有關的文件，條約也好，上諭也好，奏摺咨文照會也好，均鈔一份，久之遂成巨冊。希隱先生承

繼了這部稿子，又費了十餘年工夫，加以補充和編次，然後學術界今天始得享用此書。二先生的苦心孤詣是我們應該敬佩的。我平素對於外交史的研究頗有興趣，又親切知道這部書出世的原委，所以我願趁這機會對輯者和編者表示一點敬意和謝意。

蔣廷黻於國立清華大學

中華民國二十二年十月

清季外交史料

蔣序

二

袁序

史料者史籍之母有完備史料然後有可傳之信史晚近以來國人治近代外交史者實繁有徒究其取材每有鈔襲舊著或而謂外籍人云亦云以訛傳訛其能利用中西之直接史料者蓋鮮則其書之聲價從可知矣前歲故宮博物院影印籌辦夷務始末爲外交史學界別開一新生路然其書僅限於道咸同三朝後無續輯閱者憾焉黃巖王弢夫大帛於清季供職樞垣時曾手錄光緒元年至三十年間有關外交之朝廷詔令疆吏章奏及密電秘稿百餘冊其哲嗣希隱就其遺稿悉心繕校復蒐集光緒季年至宣統三年之交涉文件陸續編入上承夷務始末下達民國初元於是清代之外交史料粲然大備矣且是編取材

清季外交史料

袁序

一

不限於存檔凡樞垣進呈留中不發之本暨外部與各使會議語錄悉經採集故其內容詳瞻豐富較近刊之中日交涉史料中法交涉史料等書尤爲完善希隱以同禮曾有助於斯舉教習既竟徵序於余因念君家是書實爲近代外交史之重要文獻若在歐美各國早經政府爲之刊行乃比歲以來國家多故未暇修文以致此項秘稿湮而弗彰希隱常歎國家內憂外患至今已極此中經歷程序須有翔實記載庶幾鑒往轍而勵來道亦今日之急務適獨力經營勉成先志其堅貞不拔之精神誠足令人欽羨而後之治史者得以藉此辨正世傳之謬說與夫外籍之附會使當年史實之真相復昭示於來茲則王氏父子纂輯之功洵有裨於邦人之探討者矣民國二十二年徐水袁同禮序

章序

余之始晤同郡王太常弢夫公在光緒二十年甲午公方官工部主事補軍機章京釐方略館纂修丁憂回籍之時知其輯錄軍機處外交檔案之事尚未設外務部凡與各國交涉以總理衙門主之爲王大臣之兼職各國有事由軍機處發交總署軍機處皆寫檔存之嗣設外務部亦仍如是故全國歷朝成案軍機處爲最完備然無存檔大庫所有各檔皆儲方略館之大庫各部員不得入其地也軍機章京非特命檢檔亦不得入獨直檔章京承直乃得駐宿於其內鎖鑰即存於其手足以調取各檔冊特各章京雖分班直宿日間公務繁重一至直宿方休息之不暇誰復能看檔冊者公則精力絕人每至直宿即撫錄外交

清季外交史料 章序

一

之檔無少間嗣余常來往都門深知其輯錄益勤積數十巨冊退直休沐之日亦謝絕酬應杜門以校理其書同僚有忌之者以公私寫留中各秘檔言於軍機大臣某大臣謂章京能看檔案乃是練習公事之幹才冒者始息然亦無人能如公之輯錄各檔也公以熟於朝章爲王大臣入軍機者所倚重由主事擢至太常寺少卿充軍機章京領班如故輯錄外交各檔將及百冊爲洋務始末記亦如故不幸年六十有三終於少卿之位稿遂不顯於世其哲嗣希隱部郎兆少承庭誥國學素優留學外國博通西籍兼任領事者有年又派赴歐美列邦考察政治與各國士大夫上下其議論者久備知立言須有依據徒恃空理發空議論俗不同無足以達其情證其事相與比附以入於軌道遠舉古事而

不舉近例仍不足以應其變而會其通則光宣兩朝外交之檔案尙矣檔案之最近者尤重矣乃歸而發太常公之書與其子孝章合力參校筆墨不舍此非太常之勤劬以開其先不能得一朝外交之近史非希隱之繼綴以善其後不能完最近外交之全史吾國史家之善恆以史記漢書爲首稱以二書皆父子相繼而成者也今太常及其子希隱孫孝章三世而完成是書後先輝映不同而同所以餉我邦人之辦外事者甚大若以爲掌故之巨編則猶有未盡也同郡七十三叟章樸拜序

清季外交史料 章序

二

自序

余備員工部習聞道咸同三朝有欽定籌辦夷務始末記顧藏之內府無由見也光緒十二年入直樞省於從公之暇展轉尋覓始於大庫得之塵封竄積東西雜度拂拭排比乃得完書惟此編雖經欽定尙未付刻因錄副藏之於是道咸同三朝外交始末瞭如指掌矣顧念光緒改元以後海禁大開國家未雨綢繆凡廟算之敷施臣工之建白更新政策皆近二十年來所苦心經營者而光緒十年法越之戰二十年中日之戰與夫戊戌變政庚子西巡以及議和通商劃界諸端實皆爲國勢盛衰之一大關鍵不有纂輯曷以昭示來茲爰自元年以訖三十年於洋務始末次第編錄自維謏陋詎足語軍國大計然前車之覆後事之

清季外交史料

自序

一

師範而存之於以見事變之叢生因應之當否亦古今得失之林也按本朝定例凡明降諭旨及交內閣發鈔者臣民始獲得見至若廷寄電報及臣工條奏有關緊要者均懸之禁令不得傳播外間余以倬直餘間摘取事由記明月日凡屬舊事則由大庫調取案卷其新事則皆承直時逐日所寓目者因按年編次分別纂錄第卷帙紛繁往往夜以達旦嗣於二十年間痛遭大故倉猝出都事途中輾既服闋復將數年來未鈔各稿從事補苴洎庚子七月兩宮蒙塵奔赴行在直感淪陷時間亦復慙促乃於退食時將各要件懷以歸寓手自繕寫迨回鑾後始復其初歷年既多積稿盈筭雖其間不無舛漏之處然大致亦略備矣又按道咸同夷務始末記一書考其體例有不必存而存者有應存而不

存者且疆臣選調陞降概不登載往往有某人具奏而不知其服官何省者此書略參管見凡奏議中無足研究者刪之其可取而文字冗長者節之惟有關於大計各摺片各電報則均一字不遺若員司條陳時事所上說帖已進呈御覽者亦一併錄入其餘則否至總署與各使照會暨會議筆記並與各國訂定條約皆屬此書要義恆思旁搜博採詳載靡遺惟是彙筆樞垣垂二十載所得朝章國故止在於此聊誌顛末藏之名山他日者庶續成編與夫校讐之役刊印之舉則冀子若孫勉承余志毋廢半途俾一朝文獻不至湮沒是尤私衷所深幸也夫

光緒三十年三月發夫王彥威記

清季外交史料

自序

二

清故太常寺卿王公弼夫墓誌銘并序

光緒三十年甲辰五月初八日太常寺少卿王公弼於位百寮咨嗟嚴蔽揮涕余既爲文哭之越九年壬子其子亮乃克葬於黃巖委羽山之陽又十七年來請銘嗚呼余忍銘公哉顧公舊交略盡即同郡至契惟余在矣余不銘敢乎哉當同光之際京朝士大夫咸以中興自喜日薦於詞章考據碑版一若神州赤縣可遂閉關迨法越東事疊起始羅然求諸敦槃樽俎間人自爲書書自爲說大率紀征行訪政俗鮮有窮原竟委提挈中外交涉綱維垂示國家安危樞紐心知其意者或不居其官居其官者恒憚於採纂綴輯之艱不能有所成就遇責言債事瞠目束手無所稽考爲折衝蓋故府之莫能視而國之卽於淪胥也非一朝

清季外交史料

墓誌銘

一

夕矣公倬直樞垣獨惄然憂之凡諭旨章奏有關邦交者必手自甄錄復上溯宣廟以來成案默記擇取寫副藏棄積二十年所得成巨帙百數十名曰光緒朝洋務始末記經其子亮廣續成書易名清季外交史料於作職議和磋商條約施行新政變法圖存西北邊界之劃分東南防務之布置靡弗採集賅完字字翔實其文平檔冊所無其事則海內外所不可一日遺桑而後總署外部文卷放佚有重大疑難輒假是書考證本本原原瞭如指掌東西各邦聞有是書咸來問訊非公當日目光遠大心力勞勩烏能萃此鴻編餉遺天下後世若是公天性篤於根本事親至孝先喪母繼喪父喪繼母並哀毀逾恒兄弟五人友愛無間言視諸從子如已出一爲振拔扶持戚友故舊貧者無後者力所

能至歲歲周恤不倦五歲受孝經論語於母廬卽能領悟稍長從邑中

諸名宿游其爲文鍊金錯采壯歲悔其少作益務爲根柢學於諸史皆有校正史漢三國致力尤深誦書會城從俞太史樾孫太僕衣言受經術及古文義法黃侍郎體芳持節江蘇山左屢延主幕中衡校其子學士紹箕在焉喬梓咸與公出入經史上下議論無虛日既官京師寓居退谷園台州郡邸親後進日盛商部邑有司籌鉅款別創黃巖會館於廠肆西廡廣庑寒至今利賴公後亦假爲寄廬每風月良辰輒招師友觴詠其中以道義學問相切劘一時裙屐盡天下選晚年名位崇起愛才如命寒賤一長一藝獎借不容口典學使者往往訪士於公大江南北遠近粵蜀參預輻軒玉尺每出推轂自吳縣潘文勤公常熟翁文恭

清季外交史料

墓誌銘

二

公仁和王文勤公炳國莫不重公學行虛心以諮於仁和贊助彌宏然憤默寡言料事有機鑒非重國大計不輕獻納庚子之變輩下拳教縱橫挾左道以扶清滅洋標幟當軸矯旨令總署促各公使歸國公聞之大驚曰中國從此亂矣奔告許尙書景澄請力諍復面陳大學士榮祿極論外憂不可啟拳民不可信董軍不足恃榮聽之卒格於端莊不能救痛哭曰恨吾無奏事權乃投劾去后帝西狩仍召赴行在時四方陳奏十倍常日出納喉舌精力瘁焉嗣扈從還朝見籌思仇外者且轉而媚外上下酣嬉苟爲目前娛樂計不復念割地賠款停試爲城下奇恥而變法者又勸襲東西邦爲大言徒揮霍國家金錢實事如捕風捉影知國將不國雖在官追憫板蕩憂傷勞涼三年之間鬱邑佗僚遂至捐

館嗚呼是不亦重可悲也乎公諱彥威字致甫浙之黃巖人先世有名
王者偕兄琥同登宋天聖三年進士自臨海遷黃巖西橋二十七傳至
公同治庚午以廩膳生登賢書歷官工部主事員外郎軍機章京方略
會典二館纂修江南道監察御史王大臣惜公材器奏開御史缺留樞
垣領班甲辰二月由四品京堂拜太常寺少卿視事僅四閱月春秋六
十有三曾祖進修祖謙受父維齡以公貴祖父贈資政大夫祖妣林妣
盧繼妣徐並贈夫人盧夫人者同里孝廉填女孫通書史嫺吟詠公兄
弟皆其自課歿後公輯遺詩爲焦尾閣集繪秋燈課詩圖徵海內通人
題跋見重藝林夫人鄭氏孝廉士掄妹子恭蘇縣學生女四人並適士
族恭蘇先公一年卒以第四弟彥武子亮嗣亮歷官江蘇候補知府陸

清季外交史料

墓誌銘

三

軍部員外郎國務院內務部秘書北平市政府科長駐魯國嘉里約
領事回國後派赴英美日法德瑞比荷意奧捷克各邦考察政治孫敬
立畢業交通大學後肄業美國工程研究院瑤瓊瑤琨酷有祖風公著
述甚衆具詳家傳其清季外交史料一書尤切於時用當世所寶亮爲
之窮日夜編校將刊行公諸海內外是能世其家者銘曰

我清之季非無臣親貴愚妄縱妖民神器播蕩海揚塵如公先見第一
人片言已料乾坤屯翠華東歸誰贍薪殿駁大用眉逾蹙天不假年歲
在辰一生抱負何曾伸有書百卷重交鄰有子卅載球圖珍國家命脈
公精神名山不朽羽山新千秋萬禩視刻珉
中華民國十九年一月臨海何奏篋謹撰

清太常寺卿黃巖王公殁夫家傳

公諱彥威字殁夫浙江黃巖人生有異秉性情過人母盧太夫人嫺習禮教工詩古文辭督課嚴遂得周覽籍通經世有用之學太夫人歿作秋燈課詩圖以志痛並刊焦尾閣集名公碩彥題詠殆徧藝林偶之中式同治庚午舉人官工部主事員外郎軍機章京方略會典二館纂修江南道監察御史四品京堂太常寺少卿起家文學而長於才略遠謀深算名動公卿間庚子難作當路矯旨令總理衙門促各國使臣歸國公在軍機見之大驚謂釁下亂民縱橫以仇殺外人爲事禍胎從此長矣且絕交何事今乃視若兒嬉遂奔告許文肅請聯奏力諍刑部尙書趙舒翹持不可又謂大學士榮祿拳民不足恃外憂不可召祿領

清季外交史料 家傳

之以端莊二邸故不報公大憤投劾出都無何兩宮西狩奉召隨蹕供職行在維時軍機事務殷駢夕在公幾無退食之暇辛丑扈從還朝甲辰五月遂捐館舍海內外知與不知咸相歎息先是公倬直樞垣內外政事凡遇奏牋靡不綜覈原委其有關軍國大計中外邦交者每手自甄錄以備實用積歲所得都巨冊百數十名曰光緒朝外交史料故事章奏之不宜宣泄者留置內廷謂之留中公往往鈔存之是編之中爲檔冊所無者泰半歿後外交官署遇要案每就公家稽考其書得知梗概清史館撰邦交志亦取材焉當草端時詔其子亮曰溫室之樹非所宜言矧惟政事留中之制施於邦交萬一有事案成案而不獲將奈何然春秋之法人臣貴知權變吾寧負罪戾而不忍國故之墜失也會

人調知之議於兩宮卒無他公弱冠貢時譽長於經史詩詞而篤於友誼同時交游有若俞曲園太史孫劭聞太僕潘文勤伯寅張文襄孝達袁忠節爽秋李越縯侍御黃漱蘭侍郎盛伯熙祭酒王可莊太守千誨若侍郎沈子培樊樊山兩布政並以文章氣節相與砥礪一時播爲盛事公學術歸於致用治經史諸子積稿盈篋晚年自焚之以爲生當國家變法圖強之日不宜以書生自放今存者自外交史料外有道咸同光四朝籌辦洋務大略清朝掌故清朝大典樞垣筆記史漢校勘記秋燈課詩屋圖記藝文叢稿等書配同邑鄭夫人子亮歷官中外足跡遍瀛海著有十二國游記公所纂書爲當世所重言外交者奉若鴻寶蓋不朽之業也公生於道光二十二年十二月卒於光緒三十年五月春

清季外交史料 家傳

秋六十有三葬於黃巖委羽山之陽
中華民國二十年十月世愚姪淳安邵瑞彭謹撰

從叔父太常公行狀

公諱彥威字致甫原名禹堂字渠城黃巖人先世有諱王者與兄琬同登宋天聖二年宋郊榜進士官工部屯田郎中自臨海遷居黃巖之西橋世稱西橋王氏凡二十七傳而至公曾祖諱進修祖諱謙受父諱維齡母盧繼母徐兩世皆以君貴贈資政大夫妣贈夫人公幼穎異年五歲盧太夫人授以孝經論語即能領悟稍長從鄉先生姜明經文衡盧孝廉錫嘯王孝廉葉游學有師法年十九受知於學使張文貞公充縣學生其後吳侍郎存義徐侍郎樹銘督浙學公歷試皆高等補廩膳生同治九年舉於鄉典試者爲劉副憲有銘李侍講文田公允爲李公所激賞嗣官工部虞衡司主事考取軍機章京兼充方略館會典館纂修

清季外交史料

行狀

官丁父憂服闋以方略告成奏保候補主事後以員外郎即補並加四品銜復丁繼母憂丙申服闋仍補軍機章京奏保免補主事以員外郎即補是年十二月補營繕司員外郎明年五月考取御史論題爲壽曲面貌以飭五材公主先鄭說以曲直方面形勢平列爲三事閱卷大臣徒知鄭錫陳汪之說以面貌與壽曲對舉疑公爲誤解上黏黃簽抑置第十五名逮引見上特拔之而公前列二名皆未用蓋異數也九月以方略刊成奏保候補御史後作爲俸滿並加隨帶二級十一月以恭辦慶典加三品銜戊戌三月以會典全書修過半奏保候補御史截取得知府後在任以道員候陞辛丑補江南道監察御史故事言官不得直樞密公通達勳憤方爲領班王大臣深倚重奏請開御史缺仍留直樞

垣特旨以四品京堂候補甲辰二月補太常寺少卿五月初八日以疾卒距生於道光壬寅十二月十二日春秋六十有三前後歷充營繕司營造科主稿製造庫主稿稽架庫監督城工監督皇太廠監督河道溝渠處總辦琉璃廠監督政務處提調疊拜文綺佩藏之賜公靜默寡言笑而料事有深識庚子拳匪初起當軸總旨令總署傳知各國使臣限三日回國公見之大驚謂都城內外亂民縱橫使臣一出必遭其禍從此外交決裂不可收拾矣亟言於許侍郎景澄請力爭之趙尙書舒翹持不可既而各使臣亦不奉命公痛哭流涕知大局之將裂歎曰恨吾位卑無奏事權不能掇國也公勸學好問少工詞章長務爲根柢學於諸史皆有校正而史漢三國致力尤深又究心中外政治保直樞垣遇

清季外交史料

行狀

詔旨章奏之有關繫者手自甄錄積巨冊百餘名曰光緒朝洋務始末記現其子亮躬搜博採擬編成清光宣兩朝外交史料公天性孝友母盧太夫人爲同里孝廉壻女孫通書史明大義公兄弟皆其所自課母歿時適應省試歸而哀毀逾恆後蒐輯遺詩爲焦尾閣集又繪秋鏡課詩圖蓋太夫人課公詩有矮屋數椽燈一點我家喜有讀書兒之句也徧徵海內外通人題之積成四巨冊數十年南北舟車恆以自隨事父至孝與諸弟妹甚友愛視諸從子如己出待戚族俱有恩意於貧者及無後者尤饋遺不絕生平樂親師取友讀書會城從俞太史樾孫太僕衣官受經術及古文義法又問學於趙大令之謙戴典籍望及入都見同歲生李農部慈銘心折其學曰是當以師事不當以友事也公性情

眞學與人交以誠久而彌篤前後如黃通政體芳其子學士紹箕盛祭酒昱王祭酒懿榮袁太常昶王修撰仁堪沈郎中曾植陳侍郎邦瑞樊庶常增祥朱學士福詵徐侍御定超皆以道義學問相切劘數十年如一曰而潘文勤公祖蔭翁文恭公同蘇張文襄公之洞皆深重公學行於後進尤喜汲引見有一藝之長稱譽不絕口傾襟推轂擊攀不勸性恬退不慕浮榮故事軍機領班章京得兼外務部行走每歷三歲開保一次壬寅九月兼差期滿外部咨取銜名同直郭侍郎曾忻爲列保二品銜公力辭之又以襄辦慶典賞戴花翎而終身未嘗一戴同僚或笑其孤寂不顧也意態閑適性愛泉石每與舟瑤開行郊外遇茂林修竹輒聚回不去謂此間大有眞趣甲辰春暮猶厲舟瑤書謂再待二年定

清季外交史料

行狀

三

當掛冠歸里蒔花種竹以樂餘年並議建築宗祠事不謂未及二月而凶問已至可悲也夫所著光緒朝洋務始末記外有樞垣筆記扈從筆記秋鑑課詩屋日記藝齋叢書等藏於家配鄭淑人子伯馴蕩恭縣縣學生有學行先公一年卒因以第四弟彥武之子亮爲嗣今官陸軍部科長補陸軍中將銜少將女四人皆適士族孫敬立肄業育英小學校將以民國元年十二月葬君於黃巖委羽山之陽亮求當代有道爲銘幽表墓之文以舟瑤知公深寓書至粵屬爲之狀公生平遇舟瑤最摯飲食敦諄受德獨厚誼不敢隱因舁舉大略以備立言君子之采擇從姪舟瑤謹狀

清季外交史料述畧

清季以來歐美挾政治經濟之力侵入遠東。日本崛起三島發展其大陸政策。列強得寸思尺。靡所底止。而當時謀國者昧於大勢窮所應付。於是外興安嶺及烏蘇里以東之地讓於俄。西歷一八六〇年。琉球縣於日。一八七一年。新疆西北之霍爾古斯河以西之地復淪於俄。一八八一年。越南棄於法。一八八五年。緬甸讓於英。一八八六年。臺灣及朝鮮復喪於日。一八九五年。邊境之淪胥。幾達四百萬方里。茲者藩封既失。危及腹地。東北四省。已被日佔。外蒙亦名存而實亡。英俄爭雄於新疆。英法角逐於滇南。英蠶食康藏。日於長城各口察哈爾東部。則尙任意所之。而內政多故。民生憔悴。幾無一片

清季外交史料

述畧

一

乾淨土。國家之尊嚴漸形墜落。交涉之運用益感困難。其醜態以至於今者。時非一日。事非一端。是則國人所宜研究外交。深切注意者矣。夫外交之運用。須先造就人才。團結內政。充實武力。聯合與國。誓討條約成立之程序。決定應付各國之方針。然後糾正已往之過失。防止未來之糾紛。利用國際形勢。鞏固我國地位。乃定外交政策及其對象。以及合法權益之保護。國際先例之引用。互惠條約之締結。互惠關稅之協定等事。方克有濟。蓋我國受劣約束縛。已形成半殖民地現象。且於定約以外。另有習慣上之不平等等事實。皆由地方有司。未諳交涉。顧末漠視輕忽。歷時既久。積弊愈深。演變無窮。成爲慣例。故竟有逾越範圍之事。而公然要求法律上之追認者。內情若此。以之周旋國際。自無勝

利之可言。良可憫也。欲圖補救。必須依據一切成案。分別事實。詳加探討。則非有外交史料。不爲功。此先公所以纂輯是書。冀供邦人之參考者耳。

先公生當季世。倬直樞垣。目覩國勢淪喪。東外交叢棘。爰竭二十年心力。蒐集光緒元年至三十年之稿件。名曰籌辦洋務始末記。除外交案牘外。凡財政軍事教育實業交通邊防等項。有關交涉之重要文電。亦連類而及。分別纂錄。亮以此編注重外交。因易署今名。其無關交涉者。概未列入。間有遺漏。亦博採增補。編成一百八十二卷。並續輯光緒季年至宣統三年之史料。連同卷首共得五十三卷。至拳匪之變。先公隨扈京陝。見聞所及。復逐日筆之於書。第以體例不同。乃另編爲西巡大事

清季外交史料

述畧

二

記十二卷。又歷史體裁。向皆按日記事。然欲考一事之始末。往往翻檢難艱。因更輯爲史料索引十二卷。復念是編卷帙較繁。一望無際。須有一書文簡而事賅。方足供涉獵者之快覽。因另編外交年鑑二卷。而殿以邊疆劃界等圖十六幀。父作子述。斯爲全書之大凡也。

世之學者。分治經之力以治史。而班馬二史。尤爲惟一津梁。龍門通貫古今。其闡識孤懷。奇辭奧旨。自成一家之言。自蘭臺斷代爲書。後之作史者。悉據以爲例。吾人於數千年後。藉知歷代治亂興亡之迹。與時勢變遷之狀者。無不於史書中得之。顧諸史皆注重紀傳。於外交事蹟。僅散見於四夷或外國傳中。近代清史脫稿。始創名邦交志。以補前史所未備。惟究非外交專書。故取材亦尙簡略。本編繼續道咸同三朝夷務

始末記而作，與歷史體材固異，然漸爲筆討交涉始末，故紀述較詳，采摭較富，後之作史者或亦有取於斯歟。

有清外交，以光緒朝爲最繁而最要。舉其大者，如中法之役，中日之戰，拳匪之亂等，悉於挫敗後，訂立條約，近於城下之盟，割地償款，委曲求全，於是不平等之約悉鑒於此。且以外交關繫，即內政亦多所牽連，緣爾時因外患日亟，知非變法不足以圖存，乃銳意更張，整理庶政，卒以人力財力，諸形短絀，凡有興革，借才異域，任用各卿，權利所在，交涉隨之。故清代之新政，悉發生於光緒一朝，而外交因之繁重。亮於此舉，約分兩項工作：一，由國內搜羅者，除先公遺稿外，商諸當時駐外各使領，今日外交當局並各圖書館供給材料；二，由國外採取者，係因各使領

清季外交史料

述略

三

館未報部案件頗多，親往調查，始有收穫。蓋亮於光緒季年，從公秘書，時便道分赴南北美各邦之中國使領館商請錄副，嗣於民國初元，復赴日本歐美考察政治，時屢續採訪。前後兩次，歷時五載，彙集頗多，迨返國後，專事校讐，又經六稔。年來奔走衣食，恒挾稿自隨，稍有餘晷，即捉筆以書，不敢自逸。顧外交與內政相爲表裏，慨自有清嘉慶以前，閉關自守，朝野澁沓，不知世界潮流，泊道光鴉片啟釁，內情畢露，咸豐英法聯軍入京，更得窺我堂奧，逞彼兵戎，降及光宣，外侮益烈，而拳變以後，排外之心，變爲媚外，政治失軌，國是日非，以致上下騷然，清社亦屋，亮於編輯之際，所得資料愈多，即私衷愈形憤激，蓋痛內政之枕陸，致挾帝國主義，而來者無往不利，而史料之內容，亦難悉如人意矣。

史料選集之要義有三：一曰信，二曰詳，三曰新，使讀者於各種問題，咸

能原始要終，得其真相。斯爲第一等材料。輒近纂輯外交史者，蔣博士廷黻之近代外交史料輯要，王君芸生之六十年來中國與日本及美國人麥博士 D. John Van A. Mackenzie 之近代中國歷史文選，蓋其選矣。返觀吾書，則未敢信。蓋奔走中外，徵求文件，原無統系，或片紙數字，語焉不詳，或有始無終，難知究竟。昔王安石譏春秋爲斷爛朝報，無乃爾是，非搜集之不勤，擇稿之不精，我國外交之實況固如是也。誠以清季交涉龐雜，人才闕乏，設備疏略，管理廢弛，以及章制之不完善，對外之不統一，有不能爲之諱者，縱欲撰一燦爛莊嚴之外交史料，詎能嚮壁虛造以飾觀聽乎？第所堪自信者，亮於此書，殫精竭慮，本信詳

清季外交史料

述略

四

新三字之原則，瞋勉以求，決不敢淆亂是非，貽誤來哲，而深冀邦人君子，休外患之激凌，憫國權之喪失，臥薪嘗膽，努力建設，則燦爛莊嚴之史料，自可期諸異日矣。王亮謹述。